

En pia memoria da:

19.1.88 GR

Rosa Martina Monn-Hendry, Sedrun

Rosa Martina Monn-Hendry ei naschida ils 29 da november 1913 a Cavorgia; ella ei stada il sisavel affon da Giachen Martin e Barla Catrina Hendry-Peder. Aunc tschun fargliuns ein semess silsuerter cun ella a pèr e pils pigns dil tut eis ella cunzun sepanzada. – Ella scola cumplessiva da Cavorgia eis ella dada els egls; ella cun sia memoria ed il dun da declamar. Oz vessi la Rosa Martina giu dapli schanzas, ha sur Giusep Cathomas mess entgins accents en siu riug da bara.

Onns nauschs – e l'emprema uiara ha teniu la faultsch ad ault. Ed enstagl d'emprender in mistregn, eis ella ida giu Dietfurt ad emprender empau tudestg. E gliez ha ella empriu scosauda. Per buca vegnir anavos, ha la Rosa Martina legiu ina entira veta, romontsch e tudestg, e la lectura ha teniu ella meinsvart agradsi.

Il mument che la casada ha saviu se-pertschecher, ha ei puspei tuccau ad ella dad ir fumitgasa, sco per semeglia tiel caplon da Rueras (sur Gion Antoni Venzin, sturtegi si'olma). Dabia onns eis ella stada a Danis tier Giuli Capaul ed ha fatg la mumma da treis affons che vevan ual piars la lur.

Denton veva ei dau ina gronda mida da Cavorgia. Il bab Giachen Martin era dapi in temps ius vi sul cuolm ed ils onns missignins dalla secunda uiara han valiu pauc detgavunda. – Malgrad la masegirtad malguessa ei la Rosa Martina maridada il matg digl onn 1941 cun Baseli Monn, in um da spir lavur e da gronda iniziativa, che ha priu ina veta ora decisiuns da pertada. Sco per semeglia il mument ch'el ha priu per tscheins l'alp Tschamut e cuort sissu il Run a Mustér. E duront igl unviern fuva ei scart da lavur; accords da lenna e tut las layurs manualas ein stadas d'engrau. Pér cun 29 onns ha Baseli Monn empriu il mistregn da miradur e sco professiunist eis el scochemai vegnius en sco guardia da fortezia vi la Val Ursera ed en cuort sissu tier l'Ovra Electrica Reinanteriur.

La Rosa Martina ei mo smarvegliada da ton regl d'interpretender ed ha auncal-lura tratg siu consort ulivamein, tutta-via il mument che la famiglia ei ida da Camischolas a Sedrun ed ha baghegiau casa. Ils stabiliments a Dieni, ton la casa da colonias «Pultengia» sco il hotel Cresta ein daveras stai ils sumfils da Rosa e Baseli Monn-Hendry.

Il Segner sez ha fatg bien culs con-sorts. Siat affons, tschun buobs e duas buobas ein era da lezs onns stai ina gronda casada. Alla Rosa Martina ha ei tuccau da schar pigliar e siu um ei segi-daus cun luvrar sco in morder. Il secund dils affons, il Linus, ei morts mo cun tschun onns; la frida ei stada gronda – e las larmas ein mai propri schigias dil tut.

Ina mangla semeglionta ei culs onns dada vid il maguol e la Rosa Martina ha giu bravamein da sbatter e las notgs ein stadas liungas, cura ch'ins sa notgs enti ras durmir mo pauchet.

La defuncta Rosa Martina ha spitgau las caussas tuttas, ina suenter l'autra; ella ei seremessa ed ei stada adina da gronda cardientscha. Ed ha buca tratg da leu vi las crutschas, cura ch'ella ha giu rut las combas. Anzi sezza sefatga si ed ha teniu agradsi la famiglia.

La plipart dils affons ein semaridai anoviards e la mumma mava bugen sin viseta, accurat sco siu um, il Baseli. Dalla viseta si da Basilea ein els turnai empau stauchels a Sedrun, da sogn Stiafen 1987. Strusch en dad esch che la mort ei vegnida encounter, ils 26 da de-cember 1987.

Ella ha fatg cuort, la Rosa Martina Monn-Hendry. E tuttina eis ei stau bi da vegnir a casa e da saver prender cumiau enamiez ils ses. Lein sperar ch'ella seigi u vegni ton pli gleiti avon la fatscha da Diu – sche vegli ella era a rugar per nus tutts. Al car consort Baseli ed als affons tutts ensemen detti il Segner la forza da star sidretg e cuntinuar.

Vic Hendry